



Na osnovu člana 24. Statuta Općine Pale ("Službene novine Bosansko-podrinjskog kantona Goražde" br. 19/07, 11/08 i 6/13) i člana 79. Poslovnika Općinskog vijeća Općine Pale ("Službene novine Bosansko-podrinjskog kantona Goražde" br. 5/22), Općinsko vijeće na svojoj **XXV redovnoj** sjednici održanoj dana **22.09.2022.** godine, **d o n o s i**

## **P R A V I L N I K** **O DODIJELI STIPENDIJA**

### **Član 1.**

Pravilnikom o dodjeli stipendija učenicima srednjih škola i redovnim studentima prvog i drugog ciklusa studija sa prebivalištem na teritoriju Općine Pale u Federaciji Bosne i Hercegovine (u daljem tekstu: Pravilnik) utvrđuju se opće i posebne odredbe, uslovi, način i kriteriji za dodjelu stipendija, prava i obaveze stipendista kao i druga pitanja iz ove oblasti.

### **Član 2.**

Stipendije se dodjeljuju na osnovu odluke Općinskog vijeća Općine Pale u FBiH. Visinu i broj stipendija određuje Općinsko vijeće Općine Pale u Federaciji Bosne i Hercegovine (u daljem tekstu: Općinsko vijeće) za svaku školsku/akademsku godinu u skladu s raspoloživim finansijskim sredstvima planiranim Budžetom Općine Pale.

### **Član 3.**

Pravo na stipendiju mogu ostvariti:

- redovni studenti prvog i drugog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale,
- učenici srednjih škola koji imaju prebivalište i boravište na području Općine Pale za koje finansijska sredstva osigurava Općina Pale.

### **Član 4.**

Općinski načelnik i Općinsko vijeće imenuje „**Komisiju za dodjelu stipendija**“ (u daljem tekstu: Komisija).

Komisiju čine 3 (tri) člana iz reda uposlenika Općine Pale i bira ih Općinski načelnik, dok su 2 (dva) član Komisije iz reda Općinskih vijećnika i bira ih Općinsko vijeće Općine Pale.

### **Član 5.**

**Komisija za dodjelu stipendija:**

- Raspisuje Konkurs za dodjelu stipendija (u daljem tekstu: Konkurs) koji će biti objavljen na internet stranici Općine Pale, oglasnoj ploči Općine Pale i u ostalim sredstvima javnog informisanja.
- Vršiti izbor kandidata za stipendiju pridržavajući se ovog Pravilnika.

- Dužna je razmotriti prijave u roku od 30 dana od dana zatvaranja Konkursa za dodjelu stipendija i u narednih 30 dana pismeno obavijestiti Općinsko vijeće, Općinskog načelnika i prijavljene kandidate o rezultatima Konkursa.

#### **Općinsko vijeće:**

- Dužno je, po pismenoj obavijesti Komisije i provedenom Konkursu, na sljedećoj sjednici donijeti Odluku o dodjeli stipendija.
- Odluka Općinskog vijeća o izboru kandidata i dodjeli stipendija je konačna.

#### **Član 6.**

#### **Konkurs za dodjelu stipendija sadrži:**

- naziv i sjedište Općine,
- vrstu, broj i iznos stipendija,
- uslove i kriterije za dodjelu stipendija,
- potrebnu dokumentaciju na osnovu koje se vrši bodovanje kandidata,
- vrijeme trajanja Konkursa i
- kriterij bodovanja.

#### **Član 7.**

Sastavni dio Konkursa za dodjelu stipendija je sistem bodovanja kandidata i Prijavni obrazac na Konkurs za dodjelu stipendija koji se, uz Konkurs, objavljuju na internet stranici Općine Pale i drugim sredstvima javnog informiranja i isti će biti dostupan na pisarnici Općine Pale. Obrazac iz prethodnog stava je dužna sačiniti i objaviti Komisija.

#### **SREDSTVA**

#### **Član 8.**

Godišnjim planom stipendiranja učenika srednjih škola i redovnih studenata prvog i drugog ciklusa studija svake godine u Budžetu Općine planiraju se potrebna sredstva za stipendiranje. Visinu stipendije određuje Općinsko vijeće Općine Pale, s tim da je za učenike srednjih škola u mjesečnom iznosu najmanja 100,00 KM, a za redovne studente prvog i drugog ciklusa najmanja 130,00 KM.

#### **Član 9.**

Stipendije se isplaćuju za jednu školsku godinu i isplaćivat će se 7 (sedam) mjeseci u kojima se nastava odvija u školskoj godini.

#### **IZBOR KANDIDATA I KRITERIJI ZA BODOVANJE**

#### **Član 10.**

Pravo na stipendiju mogu ostvariti učenici i studenti na osnovu kriterija utvrđenih ovim Pravilnikom.

#### **Član 11.**

#### **Opći kriteriji za dodjelu stipendija:**

- 1) da je kandidat državljanin Bosne i Hercegovine,
- 2) da ima prebivalište i boravište na teritoriji Općine Pale u FBiH,
- 3) da je redovan učenik srednje škole,
- 4) da je redovan student na jednoj od javnih visokoškolskih ustanova u Bosni i Hercegovini,

- 5) da nije korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica,
- 6) da na dan objavljivanja javnog Konkursa nije stariji od 19 odnosno 25 godina života.

**Posebni kriteriji za dodjelu stipendija za koje finansijska sredstva osigurava Općina Pale:**

- 1) postignuti rezultati u učenju i vladanju,
- 2) redovni studenti prvog i drugog ciklusa studija koji imaju prebivalište i boravište na području Općine Pale,
- 3) učenici srednjih škola koji imaju prebivalište i boravište na području Općine Pale,
- 4) učenici prvog razreda srednjih škola koji imaju prebivalište i boravište na području Općine Pale,
- 5) redovni studenti prve godine prvog ciklusa studija koji imaju prebivalište i boravište na području Općine Pale,
- 6) redovni studenti prve godine drugog ciklusa studija koji imaju prebivalište i boravište na području Općine Pale.

**Član 12.**

**Pravo na stipendiju ne mogu ostvariti:**

- 1) studenti koji imaju status apsolventa,
- 2) studenti u radnom odnosu,
- 3) studenti koji su zasnovali bračnu zajednicu, a koji apliciraju za stipendije iz sredstava Općine Pale,
- 4) učenici koji se vanredno školuju i obrazuju u srednjim školama.
- 5) učenici srednjih škola i redovni studenti prvog i drugog ciklusa studija čiji član porodice je korisnik stipendije iz sredstava Općine Pale.

**Član 13.**

**Kao dokaze za ispunjavanje kriterija predviđenih članom 11. ovog Pravilnika, kandidati za dodjelu stipendija uz zahtjev prilažu sljedeću dokumentaciju:**

- 1) uvjerenje o državljanstvu (original ili ovjerena fotokopija),
- 2) uvjerenje o stalnom mjestu prebivališta, izdato nakon objavljivanja Konkursa,
- 3) dokaz/potvrda za studente da imaju status redovnog studenta,
- 4) ovjerenu fotokopiju indeks - prva strana za studente,
- 5) potvrdu srednje škole da je kandidat koji se prijavljuje na konkurs učenik iste,
- 6) ovjerenu fotokopiju đачke knjižice – prva strana za učenike srednjih škola,
- 7) kućnu listu,
- 8) pismenu izjavu da kandidat nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica u tekućoj školskoj/akademske godini, ukoliko ostvari pravo na stipendiju Općine Pale,
- 9) pismenu izjavu kojom se daje saglasnost Općini Pale za objavu ličnih podataka prilikom objave rang liste, odnosno rezultata Konkursa i dr. na web stranici Općine Pale i drugim sredstvima javnog informiranja,
- 10) uvjerenje o položenim ispitima/predmetima iz prethodne školske/akademske godine s izračunatim prosjekom ocjena (studenti prve godine studija prilažu ovjerenu fotokopiju svjedodžbe završnog razreda srednje škole, učenici prve godine srednje škole prilažu ovjerenu fotokopiju svjedodžbe završenog razreda osnovne škole)
- 11) izjavu (samo za kandidate starije od 18 godina) da nije zasnovao/la bračnu zajednicu ukoliko aplicira na stipendiju za koje finansijska sredstva obezbjeđuje Općina Pale.
- 12) studenti prve godine studija prilažu odgovarajući dokaz ukoliko su dobitnici priznanja Učenik ili Ponos generacije,

- 13) dokaz za osvojeno prvo, drugo ili treće mjesto na kantonalnom, regionalnom, entitetskom, državnom ili međunarodnom takmičenju u prethodnoj školskoj/akademskej godini,
- 14) dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene uvjerenje o visini primanja, iz koje se vide stvarna primanja, za penzionere ček od penzije za posljednji mjesec, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom,
- 15) dokaz za roditelje: dijete šehida – poginulog borca, bez jednog ili oba roditelja (izvod iz matične knjige umrlih), dokaz o učešću u obrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja,
- 16) dokaz o ličnom invaliditetu kandidata za dodjelu stipendije,

#### **Član 14.**

Dokazi o ispunjavanju uslova moraju biti originalni ili ovjerene fotokopije koje nisu starije od šest mjeseci osim ako članom 13. ovog Pravilnika nije drugačije propisano.

#### **Član 15.**

Kandidati za dodjelu stipendija iz člana 3. ovog Pravilnika dužni su uz zahtjev dostaviti dokumentaciju iz **člana 13.** ovog Pravilnika.

Obaveznom dokumentacijom za studente smatra se dokumentacija iz **člana 13. stav 1, alineje 1, 2, 3 i 4.**

Obaveznom dokumentacijom za učenike smatra se dokumentacija iz **člana 13. stav 1, alineje 1, 2, 5 i 6.**

Ostalom obaveznom dokumentacijom za kandidate ( i za studente i za učenike) smatra se dokumentacija iz **člana 13. stav 1, alineje 7, 8, 9, 10 i 14.**

Obaveznom dokumentacijom, samo za kandidate starije od 18 godina, smatra se dokumentacije iz **člana 13. stav 1, alineje 11.**

Ostala dokumentacija smatra se ne obaveznom ali utiče na bodovanje kandidata.

#### **Član 16.**

Komisija utvrđuje blagovremenost dostavljenih zahtjeva, kompletnost i validnost dokumentacije, ispunjavanje općih i posebnih uslova i kriterija, propisanih Konkursom za dodjelu stipendija i ovim Pravilnikom, vrši provjeru i bodovanje kandidata i dr.

Komisija ne smije javno objavljivati dokumentaciju iz **člana 13.** ovog Pravilnika.

Tokom obrade podnesenih prijava Komisija može od kandidata ili nadležnih organa zatražiti dodatna pojašnjenja.

#### **Član 17.**

Komisija utvrđuje broj bodova za svakog kandidata na osnovu člana 13. i člana 18. ovog Pravilnika.

Član 18.

Osnovni kriterij bodovanja kandidata za dodjelu stipendije je sljedeći:

<b>bodovi po osnovu ostvarene prosječne ocjene u prethodnoj školskoj godini</b>	<b>5-20 bodova</b>																
<b>prosječna ocjena</b>	od	4			4,3			4,6			4,9						
	do	4,2			4,5			4,8			5						
<b>broj bodova</b>		5			10			15			20						
<b>bodovi po osnovu ostvarene prosječne ocjene u prethodnoj akademskoj godini</b>	<b>5-20 bodova</b>																
<b>prosječna ocjena</b>	od	6,5	6,6	6,83	7,06	7,29	7,52	7,75	7,98	8,21	8,44	8,67	8,9	9,13	9,36	9,59	9,82
	do	6,59	6,82	7,05	7,28	7,51	7,74	7,97	8,2	8,43	8,66	8,89	9,12	9,35	9,58	9,81	10
<b>broj bodova</b>		5	6	7	8	9	10	11	12	13	14	15	16	17	18	19	20
<b>bodovi po osnovu ostvarenih rezultata na takmičenjima</b>	<b>5-20 bodova</b>																
<b>rezultat</b>	3.mjesto			2.mjesto			1.mjesto										
<b>broj bodova</b>	10			15			20										
<b>bodovi po osnovu prosječnih primanja po članu domaćinstva</b>	<b>5-20 bodova</b>																
<b>broj nezaposlenih</b>	1			2			3			4 i više							
<b>broj bodova (ukoliko su svi članovi domaćinstva zaposleni kandidat ne ostvaruje bodove po ovom osnovu)</b>	5			10			15			20							

**Dodatni kriterij bodovanja kandidata za dodjelu stipendije je sljedeći:**

<b>Kandidati po priloženoj neobaveznoj dokumentaciji ostvaruju:</b>	<b>5-20 bodova</b>			
<b>studenti prve godine studija koji prilažu odgovarajući dokaz ukoliko su dobitnici priznanja Učenik ili Ponos generacije,</b>	Učenik generacije		Ponos generacije	
	10		5	
<b>dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta)</b>	do 800,00 KM	801 ,00 – 1000,00 KM	1001,00 – 1500,00 KM	1501,00 KM i više
	20	15	10	5
<b>dokaze za roditelje: dijete šehida – poginulog borca, bez jednog ili oba roditelja i RVI-a</b>	dijete bez oba roditelja	dijete šehida – poginulog borca	dijete bez jednog roditelja	dijete RVI-a
	20	15	10	5
<b>dokaz o ličnom invaliditetu kandidata za dodjelu stipendije</b>	kandidati sa invaliditetom ostvaruju dodatnih 20 bodova, pored prethodno navedenih kriterija			

Za studente prve godine studija prosjek ocjena se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

Za studente prve godine drugog ciklusa studija prosjek ocjena se uzima iz završne godine prvog ciklusa studija.

## Član 19.

U slučaju da dva ili više prijavljenih kandidata imaju isti broj bodova, prednost imaju:

- 1) kandidati iz porodica šehida-poginulih boraca, RVI, demobilisanih boraca i bez jednog ili oba roditelja,
- 2) kandidati sa većom prosječnom ocjenom,
- 3) kandidati na višim godinama studija.

## Član 20.

Po okončanju Konkursa Komisija za provođenje Konkursa dostavlja Općinskom vijeću prijedlog Odluke.

Općinsko vijeće donosi konačnu Odluku o stipendiranju.

## **PRAVA I OBAVEZE KORISNIKA STIPENDIJE**

### Član 21.

S dobitnicima stipendije Općinski načelnik zaključuje ugovore o stipendiranju za tekuću školsku/akademsku godinu, kojima se regulišu međusobna prava i obaveze.

Stipendije se dodjeljuju za jednu školsku/akademsku godinu i isplaćuju se u skladu s Odlukom i ovim Pravilnikom.

Ugovor o stipendiranju potpisuju stipendista i Općinski načelnik.

### Član 22.

Općinski načelnik sa izabranim kandidatima zaključuje Ugovor o stipendiranju, koji sadrži:

- ime i prezime učenika odnosno studenta,
- ime i prezime roditelja staratelja za maloljetne kandidate,
- tačnu adresu stanovanja,
- naziv škole/ visokoškolske ustanove,
- način isplate,
- broj ostvarenih bodova.

Ugovor potpisuje roditelj-staratelj učenika, odnosno student, s jedne strane i Načelnik općine, s druge strane.

### Član 23.

Svaka od ugovornih strana može jednostrano raskinuti ugovor o stipendiranju uslijed povreda ugovornih odnosa.

**Općinski načelnik će raskinuti ugovor o stipendiranju ukoliko Komisija i/ili Općinsko vijeće ustanovi:**

- 1) da stipendista prima stipendiju, kredit ili drugi oblik novčane naknade koja ima obilježje stipendije od nekog drugog pravnog ili fizičkog lica,
- 2) da je stipendista ostvario pravo na stipendiju na bazi netačnih odnosno neistinitih podataka,
- 3) da je napustio redovno školovanje ili izgubio pravo na njega.

### Član 24.

Ukoliko stipendista, za koje finansijska sredstva obezbjeđuje Općina Pale, izgubi status stipendiste, trajno gubi pravo na ovu vrstu stipendije.

## **ZAVRŠNE ODREDBE**

### **Član 25.**

Broj stipendista se utvrđuje svake godine zavisno od visine odobrenih sredstava u Budžetu Općine za tu namjenu.

### **Član 26.**

Ovaj Pravilnik će se primjenjivati počev od školske/akademske 2022/2023 godine.

### **Član 27.**

Stupanjem na snagu ovog Pravilnika preta da važi Pravilnik o dodjeli stipendija (“Službene novine Bosansko-podrinjskog kantona Goražde”, broj: 7/21).

### **Član 28.**

Ovaj Pravilnik stupa na snagu danom donošenja a naknadno će se objaviti u „Službenim novinama Bosansko-podrinjskog kantona Goražde“.

Broj: 02-04-175/22

Prača: 22.09.2022. godine

**PREDSJEDAVAJUĆI**

Mr.sc. Senad Mutapčić, dipl. ing. maš.

### **Dostavljeno:**

1. Službene novine BPK-a Goražde,
2. Općinska služba za privredu, budžet, finansije, boračko- invalidsku i socijalnu zaštitu, opću upravu i matičnu evidenciju,
3. U a/a.